



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

**Luxemburgi, 1740**

XIV. Moderno, & pro tempore existentibus Aretinis Episcopis, Pallii usus, &  
Crucis prælatio Bullarii Romani Contin. Pars VIII.

---

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

Occidentalium Collegia, sicut præmittitur, excepta, per Nos declarari, & ad majorem cautelam, ac quatenus opus sit, illud in pristinum, ac eum, in quo antequam hujusmodi Decretum, ac literæ Benedicti Prædecessoris emanarent, erat, statum restitui & reintegrari summopere desideret; quum æqui bonique ratio possulet, ea, quæ ab initio provide constituta fuerunt, ubi nihil postmodum contigerit, quod contrarium suadeat, minime immutari; Nobis propterea humiliter supplicari fecit, ut in præmissis opportune providere, & ut infra, indulgere de benignitate Apostolica dignaremur.

Quod Sanctissimus D. N. de consilio ejusdem S. Congr. de Propag. Fide indulget; hocce Seminarium soli Ministro Generali Ordinis subiectum declarans.

§. 5. Nos igitur ipsius Bernardini votis hac in re, quantum cum Domino possumus, favorabiliter annuere cupientes, eumque specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes & absolutum fore censentes, hujusmodi supplicationibus inclinati, de Venerabilium Fratrum nostrorum ejusdem S. R. E. Cardinalium, prædictis negotiis Propagandæ Fidei præpositorum, qui relationem dilecti filii nostri Nicolai ipsius S. R. E. Cardinalis Spinulæ nuncupati sibi desuper factam audiverunt, remque mature perpenderunt, consilio, præfatum Collegium sive Seminarium Castri de Ozzier sub jurisdictione, obedientia & regimine Superioris Generalis Ordinis prædicti juxta formam literarum ipsius Innocentii Prædecessoris continuandum esse, auctoritate Apostolica tenore præsentium statuimus & declaramus: salva tamen semper in præmissis auctoritate primordiæ Congregationis Cardinalium.

Præsentium Literarum oblectantia.

§. 6. Decernentes, easdem præsentis literas firmas, validas & efficaces existere, & fore, suosque plenarios & integros effectus sortiri & obtinere; ac illis, ad quos spectat & pro tempore spectabit, plenissime suffragari, & ab eis respective inviolabiliter observari; Sicque in præmissis per quoscumque Judices Ordinarios & Delegatos, etiam Causarum Palatii Apostolici Auditores, judicari & defini debere; ac irritum & inane, si secus super his a quoquam quavis auctoritate scienter vel ignoranter contigerit attentari. Non obstantibus præmissis, ac Constitutionibus & Ordinationibus Apostolicis; necnon, quatenus opus sit, Ordinis, Provinciae, & Conventus hujusmodi, etiam juramento, confirmatione Apostolica, vel quavis firmitate alia roboratis statutis & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus & singulis, illorum tenores præsentibus pro plene & sufficienter expressis, ac ad verbum insertis habentes, illis aliàs in suo robore permansuris, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam Majorem Pontificatus Nostri anno Primo.

F. Card. Oliverius.

XIV.

Moderno, & pro tempore existentibus Aretinis Episcopis, Pallii usus, & Crucis prælatio perpetuo conceduntur.

CLEMENS EPISCOPUS,  
Servus Servorum Dei. Ad perpetuam rei memoriam.

Dat. die 16. Octob. 1730. Pontif. I.

Insignes Ecclesias, quas beneficiis amplioribus divina clementia cumulavit, nec temporalis modo honoris titulis, sed religionis potissimum & sanctitatis splendore voluit eminere, par est, ut Apostolica etiam Romani Pontificis liberalitas ad sacre dignitatis incrementum præcipuis favoribus & privilegiis ornet & augeat.

§. 1. Cum itaque Ven. Frater Joannes Antonius modernus Episcopus Aretinus, nostræ secundum carnem Sororis filius, ex Ordine Fratrum Beatæ Mariæ de Monte Carmelo Excalceatorum, ob præclaras ejus virtutes ad Ecclesiam Aretinæ regimen evocatus, & commissæ sibi Sponsæ merita, prout providum decet sponsum, promovere cupiens, Nobis exposuerit, Ecclesiam Aretinam hujusmodi tam conspicuis sacre antiquitatis, illibataque Religionis ornamentis, tantaque Diocesis amplitudine, Cleri Populique & Vassallorum frequentia celebrari, ut inter primarias Hærruriæ non immerito numeretur: Eam nimirum Nobis & Sedi Apostolicæ immediate subiectam, & fide incorrupta, perpetuoque communionis fœdere conjunctam, Beati Satyri primi ejusdem Ecclesie Aretinæ Antistitis, successoris ejus Donati, aliorumque sex Sanctorum Episcoporum meritis & virtutibus illustrari: Martyres etiam cælo dedisse complures, eorumque duo millia & sexcentos una die fuisse pro Christo immolatos, quorum Reliquiis etiam nunc Cathedralis, aliæque Ecclesie locupletantur: Diocesim quoque tam late undique patere atque diffundi, ut undecim finitimis Diocesis terminetur, ingentique animarum numero frequentari, in Parochias tercentas & sexaginta distributo; Tum, præter Pagos & Vicos supra centum, sinu suo complexi Oppida duodecim sacris Ecclesiis conspicua, quarum nonnullæ insignes Collegiate sunt, nitore & cultu præstantes; idque etiam postquam ex ipsius Aretinæ Ecclesie Territorio quatuor Diocesis detractæ, sive dismembratæ sunt, aliæque tres non exigua accessione ex ejusdem Territorii partibus accreverunt: Ad ejusdem etiam Ecclesie splendorem dignitatemque pertinere, quod e sua Diocesi tres Romanos Pontifices prædecessores nostros, Pium II., Julium III., Marcellum itidem Secundum ad universalis Ecclesie regimen eduxerit: Inter celebres præterea Aretinos Episcopos recenseri Theobaldum Fratrem Bonifacii, olim Marchionis Tusciæ Patris Comitissæ Matildis, egregie de Romana Ecclesia, ac de Aretina etiam merita; in cujus Diocesi tres peramplas, & ad nostra usque tempora superstites ære suo excitavit, opibusque instruxit Ecclesias: Plures itidem magni nominis bo. me. S. R. E. Cardinales, dum vixerunt, Riarium, Ermellinum, Bonuscium nuncupatos, nec ita multo pridem ex nostra Gente Nereum Corsinum Patrum nostrum eidem Ecclesie laudabiliter præfuisse: Suam denique Diocesim gemino Sanctuario ob Beatorem Virorum secessum longe celeberrimo mirifice insigniri, Montis videlicet Alvernæ, ubi Franciscus Ordinis Fratrum Minorum institutor sacris Stigmatibus mira Dei gratia impressus est, necnon Camaldulensium, in quo Romualdus aliquandiu vitam eremiticam duxit, & in quo etiam nunc Aretini Episcopi ob lata fundia, jam pridem a suis Antecessoribus liberaliter illi concessa, præminentias & jurapatronatus honorifica servant & retinent: Quin etiam in ejusdem Diocesis sinu olim fuisse conclusam &

Exordium.

Causæ concessiois.

Ecclesie Aretinæ antiquitas, ac dignitas.

Diocesis amplitudo.

Tres Romani Pontifices ei antea præfuerunt.

Nonnulli ejus Episcopi celeberrimos.

Inter quos Nereus & Corsinus Sanctissimi D. N. Patruus.

In hac Diocesi duo Sanctuaria.

Mons Alvernæ primum: Ac Erenus S. Romualdi Camaldulensium.

compre-

Aliaque nonnulla.

Episcoporum etiam in temporalibus prerogativa.

Sancitissimus D. N. omnia antiqua Privilegia huic confirmat Ecclesie.

Ejusdem Episcopos Pallio insignit. Crucis praelationem quoque concedens.

Assignatio dierum ad hujusmodi Pallii usum.

comprehensam sacram Aconæ Eremum, ubi Beatus Bernardus Ptolomeus fundamenta jecit Congregationis Olivetanæ, cujus Regulam Guido Episcopus Aretinus ex Apostolica facultate probavit, & cui candidum Habitum cum Religiosis insignibus impertivit: Ad hæc autem spiritualia ejusdem Ecclesie decora accedere non obscuras temporales juris prerogativas, cum Episcopi Aretini pro tempore existentes Comitatus Cæsæ Domini etiam in temporalibus existant; ac olim Romani Imperii Cancellarii fuerint in Tuscia, totiusque amplissime Diocesis temporale etiam dominium habuerint.

§. 2. Quapropter memoratus Joannes Antonius Episcopus, tot tantique Ecclesie sue Aretinæ meritis subnixus, plurimum cupiat, ut a Nobis per Apostolica munera nostra, ut infra elargienda, tanto meritum hujusmodi decori claritas augeatur, & honor; Nos propterea ad eximias ejusdem Ecclesie dotes animum nostrum advertentes, considerantesque, quod Sedes Apostolica æqua munerum suorum dispensatrix nullas Ecclesias, cæsi Primatiali vel Patriarchali aut Metropolítico minime decoratas titulo, multiplici tamen singularium prerogativarum cumulo, celebrique suorum, & ex eis nonnullorum, qui pro tempore fuerunt Beatorum Præsulum illustratas Sanctitate, metropolitico in eorundem suorum pro tempore existentium Præsulum persona decorare consuevit insignibus; proindeque Divinam gloriam in dicta Ecclesia Aretina amplificare, & Beatorum cultum, quorum ibi sacra Corpora religiosissime aservantur, præsertim præfati Beati Donati, & Gregorii Papæ X. prædecessoris nostri, quos præcipuos habet & colit Ecclesia illa Patronos, augere: necnon ipsius Ven. Fratris Joannis Antonii Episcopi votis obsecundare: eximioque amori, quo antedictus Cardinalis Nereus Patruus Noster Ecclesiam suam Aretinam complectebatur, respondere: & nostri pariter perenne aliquod monumentum extare volentes, ipsi quoque Joannem Antonium Episcopum a quibusvis &c. censentes, necnon omnia & singula privilegia & indulta Apostolica, seu quavis alia auctoritate eidem Ecclesie Aretinæ, illiusque Præsuli pro tempore esistenti, si quæ sint quomodolibet concessa, præsentibus pro expressis habentes, Motu proprio, & ex certa scientia, deque Apostolicæ potestatis plenitudine eidem Joanni Antonio Episcopo & successoribus ejus Aretin. Episcopis pro tempore existentibus, ut ipsi impostum perpetuis futuris temporibus Pallio, Insigni videlicet plenitudinis Pontificalis officii, ex eorum parte a Nobis & pro tempore existente Romano Pontifice per eorum proprium nuncium ab eis destinandum cum ea, qua decet instantia, postulando, & de Corpore Beati Petri sumendo, sumptumque per unum & alterum Archiepiscopos, seu Episcopos eis sub forma a Nobis & Romano Pontifice pro tempore existen. assignanda, eodemque Pallio intra dictam Ecclesiam Aretinam diebus a Nobis, ut infra assignandis, uti; necnon Crucem in Diocesi Aretina ferre ad instar Picinen. & Bambergensis Episcoporum libere & licite possint & valeant, Apostolica auctoritate perpetuo ex gratiæ specialis, quæ minime transeat in exemplum, concedimus, & indulgemus.

§. 3. Dies autem, quibus Pallio præfato uti possunt, hi sunt, videlicet: Nativitatis Domini Nostri Jesu Christi, Beatorum Stephani Protomartyris, & Joannis Evangelistæ, Circumcisionis, & Epiphaniæ Domini Festi dies, Dominica Palmarum, Feria quinta majoris Hebdomadæ, Sabbatum Sanctum, Pascha, Feria secunda post Pascha, Ascensio Domini, Pentecostes, ac etiam tria vel quatuor Dieparæ

Virginis, Nativitatis Sancti Joannis Baptistæ, ac omnium Apostolorum, & commemoratio omnium Sanctorum, Dedicatiois & Anniversarii Consecrationis, aliaque Ecclesie Aretin. præfate principalia Festa, dies quoque quibus Clericorum ordinatio habetur.

§. 4. Ut autem signum a Nobis, sicut præfertur, concessum & indultum, non discrepet assignato; sed quod geritur exterius, interius servetur in mente, Joannem Antonium Episcopum & Successores suos Aretinos Episcopos pro tempore existentes præfatos monemus, & hortamur attente, quatenus humilitatem & justitiam dante Domino, qui dat præmia, & munera elargitur, servare studeant, quæ earum servant & promovent servatores; ac eandem Ecclesiam Aretinam eorum Sponsam curent sollicite, auctore Domino, spiritualiter & temporaliter arguere; Et ut concessione & Indulto præfatis pacificè frui valeant, quibusvis Primatibus, Patriarchis, Archiepiscopis, & Episcopis, usu Pallii & Crucis praelatione præfatis ex Apostolicæ Sedis benignitate gaudentibus, districtius inhibemus in virtute sanctæ obedientiæ, ne Joannem Antonium, & Successores suos Episcopos Aretin. pro tempore existentes præfatos, quovis modo seu prætextu super præmissis audeant quomodolibet molestare, ac usum Pallii hujusmodi, Crucisque praelationem quoquo modo impedire præsumant. Præfatos quoque nostras literas ullo unquam tempore de subreptionis vel obreptionis vicio, aut intentionis nostræ, vel quopiam alio defectu, etiam ex eo, quod ad id interesset habentes seu habere prætendentes vocati, & causæ, propter quas eadem præfatos desuper emanaverint, verificata non fuerint, notari, in jus vel controversiam, seu aliàs revocari non posse; nec per subreptionem vel obreptionem, aut intentionis nostræ hujusmodi defectum, obtentas præsumi, & ob id viribus carere; minusque sub quibusvis similibus vel dissimilibus gratiarum revocationibus, suspensionibus, limitationibus, & aliis contrariis dispositionibus quantumvis generalibus, ac fortissimis clausulis, & decretis irritantibus roboratis, comprehendere; sed semper ab illis exceptas, & quoties illæ emanabunt, toties in pristinum, & eum, in quo antea quomodolibet erant, statum, etiam sub data per Joannem Antonium Episcopum & Successores suos Aretin. Episcopos pro tempore existentes præfatos eligenda, plenarie restitutas esse; sicque & non aliàs per quoscumque Judices Ordinarios & Delegatos, quavis auctoritate fungentes, etiam Causarum Palatii Apostolici Auditores, ac præfate S. R. E. Cardinales, etiam de Latere Legatos, Vicelegatos, dictæque Sedis Nuncios, sublata eis & eorum cuilibet quavis aliter judicandi & interpretandi ac definiendi forma, judicari & definiiri debere; irritum quoque & inane, si secus super his a quoquam quavis auctoritate scienter vel ignoranter contigerit attentari, motu simili decernimus & declaramus.

§. 5. Quocirca dilectis filiis, nostro & Sedis Apostolicæ Nuncio in Hetruria commoranti, ac Causarum Curie Camera Apostolicæ Auditori generali, motu pari per Apostolica scripta mandamus, quatenus ipsi aut unus eorum, per se vel alium seu alios eandem præfatos, & in eis contenta quæcumque, ubi & quando opus fuerit, ac quoties pro parte Joannis Antonii Episcopi præfati seu Successorum suorum Episcoporum Aretinorum pro tempore existentium hujusmodi fuerint requisiti, solemniter publicantes, sibi que in præmissis efficacis defensionis præsidio assistentes, faciant eandem præfatos, & in eis contenta quæcumque, omnibus, quos illæ concernunt, invio-

Episcopos ad sollicitam Ecclesie, Gregique curam adhortatur.

Hujusmodi literarum validatio etiam quoad oblationem.

labiliter observati; non permittentes eos vel eorum aliquem super usu, Pallii & Crucis praelatione hujusmodi quomodolibet molestari; Contradictores quoslibet, & rebelles per sententias, censuras, & poenas Ecclesiasticas, aliaque opportuna juris & facti remedia, appellatione postposita, compescendo, legitimisque, super iis habendis, servatis processibus, sententias, censuras, & poenas ipsas, etiam iteratis vicibus aggravando, invocato etiam, si opus fuerit, ad hoc auxilio brachii secularis.

Contrario-  
rum derogatio.

Non obstantibus fe. re. Bonifacii Papae VIII. similiter praedecessoris Nostri de una, & Concilii generalis de duabus dietis, dummodo ultra tres dietas, quis vigore praesentium ad iudicium non trahatur: ac aliis Constitutionibus & Ordinationibus Apostolicis: &, quatenus opus sit, Nostra & Cancellariae Apostolicae regula de non tollendo jure quaesito: ac quibusvis aliis Apostolicis, necnon in Provincialibus & Synodalibus Conciliis editis vel edendis, specialibus vel generalibus Constitutionibus & Ordinationibus, ac quibusvis quarumcumque Primatialium, Patriarchalium, Archiepiscopalium, & Episcopalium Indulto, & concessione similibus respective, suffultarum etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis sub quibuscumque tenoribus & formis, ac cum quibusvis etiam derogatoriis derogatoriis, aliisque efficacioribus & insolitis clausulis, irritantibusque, & aliis decretis in genere vel in specie, etiam Motu proprio & scientia similibus, ac aliis quomodolibet etiam iteratis vicibus concessis, approbatis, & innovatis. Quibus omnibus, etiam de illis ac totis eorum tenoribus specialis, specifica, individua & expressa mentio habenda, aut aliqua alia exquisita forma servanda esset, tenores hujusmodi, acti de verbo ad verbum infererentur, praesentibus pro sufficienter expressis habentes, illis aliis in suo robore permanens, hac vice dumtaxat specialiter & expresse derogamus, ceterisque contrariis quibuscumque.

Seu si aliquibus communiter aut divisim ab eadem sit Sede indultum, quod interdicti, suspendendi vel excommunicari non possint per literas Apostolicas, non facientes plenam & expressam, ac de verbo ad verbum de indulto hujusmodi mentionem.

Fides Transumptorum.

§. 6. Volumus autem, quod praesentium transumptis, etiam impressis, manu Notarii publici subscriptis, & sigillo alicujus personae in dignitate Ecclesiastica constitutae munitis, ea ubique fides adhibeatur, quae eisdem praesentibus adhiberetur, si forent exhibitae vel ostensa.

Ac Privilegi hujusce servanda dignitas.

§. 7. Nulli ergo omnino hominum liceat hanc paginam nostrae absolutionis, concessio- nis, indulti, decreti, declarationis, mandati, & derogationis infringere, vel ei ausu temerario contraire: Si quis autem hoc attentare praesumpserit, indignationem omnipotentis Dei, ac Beatorum Apostolorum ejus Petri & Pauli se noverit incursum.

Datum Romae apud S. Mariam Majorem Anno Incarnationis Dominicae millesimo septingentesimo trigesimo, septimo Kal. Novembris, Pontificatus Nostri Anno Primo.

F. Card. Oliverius.

Concessio Privilegiorum pro nonnullis suis Familiaribus.

XV.

Similia Privilegia legenda sunt, ab Antecessoribus quoque Pontificibus suis concessa Familiaribus.

CLEMENS PAPA XII.

Dat. die 25. Novemb. An. 1730. P. 1.

Venerabilibus Fratribus Sinibaldo de Auria Patracen. cubiculi nostri Praefecto: Carolo Majella Emelsen. literarum nostrarum in forma Brevis, quae ad Principes scribuntur, Secretario: ac Francisco Antonio de Valentibus Theodosien. Archiepiscopus, Datario: Nicolao Augustino de Abbatibus Oliverio Porphyrien. Secretarii nostri Praefecto: & Nicolao Albini Leucen. Episcopus, Eleemosynario Secreto: ac dilectis filiis Marcello Passari Arianen., Auditori: Paulo Folli Forolivien., Pincernae: Gregorio Aurelio Perusin. Jacobo Leoni Romano, Vestuario: Dominico Palazzi Mediolanen., Cajetano Lemer Romano, Gaspari Mecoa Pampilonen., Josepho Lavizzani Mutinen., Notarum Arcanarum Secretario: Francisco Landi Placentin. Provinciae Bononien., Petro Ludovico Jaquet Leodien., Dominico Volpi Baren., Antonio Leprotti Mutinen. Medico Secreto, Cubiculariis intimis seu secretis: & Donato Mariae Antinori Florentin. Fratris Militi Magnae Crucis, ac Bajulivo Hospitalis Sancti Joannis Hierosolymitan.: Marchionibus, Alexandro Gregorio Capponi, Forerio Majori: Philippo Astalli, & Andreae Maidalchini Romanis, eidem Cubiculariis secretis: Francisco Mariae Spannochi Senen. Subdatario, Angelo Belli Camerinen., Architrucino: Petro Valerii, Romano, Laurentio Sbatti Sabinen., Cajetano Panicci Ugentin., Francisco Cajetano Diverfini Romano, Joanni Barba Neapolitan., Thomae Alexio de Rubecis Neritonen., & Venantio Philippo Pierfanti Camerinen. Cappellanis Secretis: Cajetano Cardoni Romano, & Horatio Antonio Battari Veliternen., Clericis Secretis: & Josepho Mariae Cardoni Lucen., Antonio Civile, Carolo Sciampana, Joanni Giandotti, Petro Pozzi Romanis, & Joanni Orbicciani Lucen. cubiculi nostri Adjutoribus: necnon Donato Antonio Civitella Beneventan., Magistro Domus nostrae, & Antonio Durani MontisRaconen. respective Civitatum, vel Diocesum, Clericis seu Presbyteris vel Laicis, Palatii nostri Apostolici, Rationatori, familiaribus continuis commensalibus nostris: salutem & Apostolicam benedictionem,

Exordium.

Circumspecta Romani Pontificis gratiarum dispensatoris providentia devotos & fideles suos, illos praesertim, qui grata familiaritatis obsequia jugiter ei impendunt, ac quos ad id alias propria virtutum merita commendant, honoris & famae amplioribus praerogativis ac praeclearis dignitatum titulis decorare & ornare; necnon specialis benevolentiae favoribus amplecti solet, prout personarum qualitatibus conspici convenire.

§. 1. Hinc est, quod Nos ad grata familiaritatis obsequia, quae vos, qui etiam continui commensales nostri existitis, & quilibet vestrum nobis haecenus impendistis, & adhuc sollicitis studiis impendere non desististis; necnon ad vitae ac morum honestatem, aliaque laudabilia probitatis & virtutum merita, quibus personas vestras etiam familiari experientia juveni percepimus, condignam rationem habentes; ac propterea easdem personas vestras pecu-

Familiares suos nonnullis exornat Privilegiis.

liaris